

不言都無如虛空耶但言一切所有皆爲非眞生者必死有者必無成者必壞盛者必衰少壯必老向有今無寒暑推移恍惚無常父母兄弟妻子室家朋友交遊富貴強盛豪勢欣樂未盈幾時豁然分散死亡別絕老病衰耗諍訟忿恨失心喪志諸如此者憂惱萬端皆爲虛幻無一眞實惟賢人道士知此非眞是虛僞法思惟分別得其眞性沖漠淡泊守一安神深解世間無所有故卽亦俗法守道念眞安神無爲得不死之術昇仙度世到長壽宮是名得無所得又曰有性常假無性常無雖有二名求之則一是則一體而有二名又曰有無二名生於僞物形見曰有形亡曰無相因而然並非眞實

道藏輯要

雲笈七籤
十一

卷

井集四
X一廿三

空法

天尊告遍通眞人曰空不可說我今說空虛空旣空我說亦空以是當知世間虛妄本無所有我說世間不墮虛妄何以故虛妄本無所有我說世間不墮虛妄何以故虛妄說妄亦空是故我說不虛妄遍通白言大德天尊所說世間一切皆空隨順眾生有何利益天尊答曰遍通眞士爲化引故得出離故入空門故滅諸見故了無相故明無作故一切諸行畢竟寂滅永不復生旣不生滅常住不動是故我今以大悲心隨順世間令諸眾生得此大利